



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

V. Quartum argumentum.

urn:nbn:de:hbz:466:1-16260

PROPOSITIO IX.

scriptor antiquissimus Fabius, eorum qui ferre arma possent eum fuisse numerum. Nihilominus tamen in Tabulas censuales reliquorum quoque omnium relata fuere nomina, Unde Justinus, Tertullianus, & Chrysostomus, Αποχεφάς consuli jubent, in quibus Iesu nomen à Quirinio descriptum erat. Porro Provinciarum, itidem ut civium, habebantur census lustrales aliquando, hoc est quibus completis lustrum conderetur, aliquando

Joseph. Antioch. libr. 12. cap. 1. ἀλλα, καὶ παντὶς τῷ στόντι θυσίᾳθρονον. Qui ius genti redderet, & facultates censeret.

Verba sunt Josephi. Extra lustrum quoque censum à tribus Galliis egit Augustus, cum Narbone conventum ageret, & deinde Germanicus, & Claudius, & Volusius, Africanus, ac Trebellius sub Nerone, & Hadrianus, & Julianus. At census ille in Syria per Saturninum & Varum actus, cum secundi census Augusti pars fuerit, ut dixi, per lustrum actus fuit: tres enim Augusti census, de quibus supra diximus, lustrales fuisse docet nos Monumentum Ancyranum. Præterea per ordinarios magistratus aliquando census habebantur, velut iste nascitur Christo actus fuit per Saturninum & Varum, Syria Presides: item alter ille post Archelai exilium in Syria per Quirinum Praesidem actus. Aliquando vero agebantur per extraordinarios magistratus, census tantum habendi causa missos. Velut ille, quem commemorat Dio, ab Augusto institutus penultimo vite anno, aliis alio ob hanc causam missis. Viginti viros speciales probatis ad id ab Augusto delectos fuisse scribit Suidas. Hanc curam qui suscipiebant, Censores, & Peræquatores, & Inspectores appellantur in Codice. Græci Σταύροι dicunt: cuiusmodi fuerunt Hellenius & Julianus, in Cappadociam ad id missi, quos scriptis suis celebravit Gregorius Nazianzenus. Igitur manifesta est Bodini Semijudæi initia, qui Christum Iesum censem fuisse negat hoc argumento, quod vechigales, socii, & peregrini minime censi fuerint.

V. Summa etiam imperiæ ac supinitatis illud est, quod objicere pergit Bodinus, nullum unquam fuisse tam acerbum censem, qui homines censendi causa loca mutare coegerit; molestia futurum id fuisse intolerabilis, & sumptus infiniti, sed illic censum fuisse unumquemque, moribus Romanorum, ubi domicilium habuit: Cæsarem ipsum Dictatorem, cum censum populi haberet, ad singulas domos civium Romæ tuac habitantium adiisse. Respondeo primo censem hunc Julii Cæsaris fuisse extraordinarium, nec more, nec loco solito habitum, ut observat Tranquillus, nec eum censum fuisse lustralem, nec à Cæsare tanquam Cenore, sed tanquam Praefecto morum actum; cuiusmodi censum & ab Augusto fuisse deinde initum, præter tres eos census supra memoratos, itaque non censem à Suetonio, sed recensum appellari, quem admodum & in Epitome Livi. Aio præterea falsum esse, neminem coactum fuisse censendi causa loca mutare. Notat Livi, Coss. Valerio Messala, & Livio Salinato, re, Campanos ex Senatusconfulto Romæ censi fuisse coactos, cum incertum fuisse antea ubi censerentur. Notat idem, C. Popillio Lænate, & P. Ælio Ligure Coss. cum lustrum conderent Censores Q. Fulvius Flaccus, A. Postumius Albinus, minor rem aliquanto fuisse numerum, *Quia Postumius Consul pro canticone edixerat, qui socium Latinum nominis, ex edito C. Claudii Consulis redire in civitates suas debuissent, ne quis eorum Romæ, sed omnes in suis civitatibus censerentur.* Ulpiani libro tertio De censibus verba hæc sunt: *Is vero qui agrum in alia civitate habet, in ea civitate profiteri debet, in qua ager est; agri enim tributum eam civitatem debet levare, in cuius territorio possideatur.* Exstat id l. Forma, §. 2. D. De censibus. Habetur quoque lex Imp. Theodosii & Valentiniiani, Cod. De naturalibus liberis, quam hic referre operæ premium est: *Si quis, seu liber ipse, seu curia sit nexibus obligatus, & tradendi filios naturales, vel omnes, vel quos quemque maluerit: ejus civitatis curia, unde ipse oritur, & in solidum hereditati libaram ei concedimus facultatem. Quod si cui, non ex urbe, sed ex vico, vel possessione qualibet oriundo naturales liberi conigerint, eosque velut sub definitione predicta curia splendore honosse, & hereditatis opibus adjuvarare, civitatis adscribendi sunt ordini, sub qua vicus ille ac possesse conseretur.* His adnotat Novella 89. cap. 2. §. 2. *Si quis igitur ex qualibet orientali civitate, sive curiatis, sive etiam liber hujusmodi sit fortuna, dicebit ei suum naturalem offere filium curie illius, unde oritur, civitatis. Si vero nec civis ipse consular, sed ex villa quadam aut vico sit oriundus, illi a patre offeratur civitati, aut semetipsum offerat, sub qua civitate villa aut vicus tributa perficiatur.* Ex his sequitur professionem, legibus Romanis, sequi debuisse locum unde origo ducebatur. Peculiare etiam id Judæis fuit, qui in tribus, familias, & domos distributi erant. Cum censi populum iussit David, censum tribus Iuda seorsum adnotavit sacer Historicus, quod non fecisset utique, nisi seorsum censa fuisse. Moribus ergo Romanorum & Judæorum conferre se Josephus debuit in tribum suam, quæ Judæ fuit, & in patriam Davidis, patrumque ipsius, unde genus ducebat, quæ Bethlehem fuit.

VI.